

## اتوار 8 ستمبر، 2024

### مضمون - انسان

سنہری متن: **فلیپیوں 2 باب 13 آیت**

”کیوں ہے جیہڑا تہاڈے وچ نیت تے عمل دونوں نوں اپنے نیک ارادے نوں پورا کرن لئی پیدا کر دالے اوہ رب اے۔“

جوابی پڑھائی: **افسیوں 4 باب، 1، 2، 4، 6، 7، 11 توں 13 آیتاں**

- 1- تے میں جیہڑا خداوند وچ قیدی آں تیتھوں التماس کر دآں پئی جیس بلاوے نال نسی بلائے گئے سی اوہدے لائق چال چلو۔
- 2- یعنی کمال فروتنی تے حلم دے نال تحمل کر کے محبت نال اک دو جے دی برداشت کرو۔
- 4- اک ای بدن اے تے اک ای روح۔ ایس لئی تہانوں جیہڑے بلائے گئے سی اپنے بلائے جان دی آس وی اک ای اے۔
- 6- تے ساریاں دارب تے پیواک ای اے جیہڑا ساریاں اُتے تے ساریاں دے وچکارتے ساریاں دے اندر اے۔
- 7- تے ساڈے وچوں ہر اک اُتے مسیح دی بخشش دے اندازے دے مطابق فضل ہو گیا اے۔
- 11- تے اوہنے ای کتیاں نوں رسول تے کتیاں نوں نبی تے کتیاں نوں مبشر تے کتیاں نوں چرواہا تے استاد بنا کے دے چھڈیا۔
- 12- تاں جو پاک لوکی کامل بنن تے خدمت گزاری داکم کیتا جاوے تے مسیح دابن ترقی کرے۔
- 13- جد تیکر اسی سارے دے سارے رب دے پتر دے ایمان تے اوہدی پچھان وچ اک نہ ہو جائیے تے کامل انسان نہ بنے یعنی مسیح دے پورے قد دے اندازے تیکر نہ اُپڑ جائیے۔

## درسی وعظ

## بائبل وچوں

## 1- پیدائش 1 باب 1، 26، 28، 31 (توں پہلی آیتاں)

1- رب نے شروع وچ دھرتی تے آسمان نوں پیدا کیتا۔

26- فیر رب نے آکھیا پئی اسی انسان نوں اپنی صورت اُتے اپنی شبیہ وانگر بنائیے تے اوہ سمندر دیاں مچھیاں تے آسمان دے پرندیاں تے چوپائیاں تے ساری دھرتی تے سارے جانداراں اُتے جیہڑے دھرتی اُتے رھڑدے نیں اختیار رکھن۔

27- رب نے انسان نوں اپنی صورت اُتے پیدا کیتا۔ رب دی صورت اُتے اوہنوں پیدا کیتا۔ زوناری اوہناں نوں پیدا کیتا۔

28- رب نے اوہناں نوں برکت دتی تے آکھیا پھلو تے ودھوتے دھرتی نوں معمور و محکوم کرو تے سمندر دیاں مچھیاں تے ہوادے پرندیاں تے سارے جانور اُتے جیہڑے دھرتی اُتے پھردے نیں اختیار رکھو۔

31- رب نے سب اُتے جو کجھ اوہنے بنایا سی نظر کیتی تے ویکھیا پئی بوہت چنگاے۔

## 2- استثناء 13 باب 4، 6، 8 (توں: آیتاں)

4- تسی خداوند اپنے رب دے مگر ٹرنا تے اوہدا ڈر رکھنا تے اوہدے حکماں اُتے چلنا تے اوہدی گل سننا۔ تسی اوہدی بندگی کر نیو تے اوہدے نال ای چمڑے رہو۔

6- بے تیرا بھرا یا تیری ماں دلپترا یا تیرا پترا یا تیری دھی یا تیری ہم آغوش بڈھی یا تیرا یار جنہوں توں اپنی جند دے برابر پیار کردا ایں تینوں ہولی جہی ورغلا کے آکھے پئی چل اسی ہو ردیو تانواں دی پوجا کر یے جنہاں نوں توں تے تیرا پیو دادا جان دے وی نہیں سی۔

8- تے توں ایہدے اُتے اوہدے نال راضی نہ ہونویں تے نہ اوہدی سنیں۔

### 3- متی 3 باب 16، 17 آیتاں

16- تے یسوع پتسمہ لے کے چھستی نال پانی دے کولوں اُتے آیتے ویکھو آسمان اوہدے لئی کھل گیا تے اوہنے رب دے روح نوں کبوتر وانگر اتر دیاں تے اپنے اُتے آؤندیاں ویکھیا۔

17- تے ویکھو آسمان توں ایہہ آواز آئی پئی ایہہ میرا پیارا پترا اے جیدے توں میں خوش آں۔

### 4- یوحنا 5 باب 2 توں 9، 16، 17 آیتاں

2- یروشلیم وچ بھیر بوبہ دے کول اک تالاب اے جیہڑا عبرانی وچ بیت سدا اکھواندا اے تے اوہدے پنج بر آندے نیں۔

3- لیہناں وچ بوہت سارے بیمار تے آنھے تے لنگڑے تے پرشمر دہ لوک پانی دے ہلن دی اڈیک وچ پے ہوئے سی۔

- 4- کیوں بے اک ویلے اُتے خداوند افرشتہ تالاب اُتے اتر کے پانی نوں ہلایا کرداسی۔ پانی ہلدیاں ای جیہڑا کوئی پہلاں اترداسی اوہ شفا پاونداسی بھانویں اوہدی بیماری کوئی وی کیوں نہ ہووے۔
- 5- اوہ تھے اک بندہ سی جیہڑا اٹھتی ورھیاں توں بیماری وچ گھریا ہوئی سی۔
- 6- اوہنوں یسوع نے پیا ویکھ کے تے ایہہ جان کے کہ اوہ بڑے چرتوں ایس حالت وچ اے اوہنوں آکھیا کہ تُوں چنگا ہونا چاؤنا ایس؟
- 7- اوس بیمار نے اوہنوں جواب دتا۔ اے خداوند میرے کول کوئی بندہ نہیں کہ جدوں پانی ہلایا جاوے تے مینوں تالاب وچ اُتار دیوے بلکہ میرے اُپڑ دیاں اُپڑ دیاں دو جائیتھوں پہلاں اتر پیندا اے۔
- 8- یسوع نے اوہنوں آکھیا اٹھ تے اپنی منجی چک کے ٹر پھر۔
- 9- اوہ بندہ اوسے ویلے چنگا ہو گیا تے اپنی منجی چک کے ٹرن پھرن لگ پیا۔ اوہ سبت دادن سی۔
- 16- ایس لئی یہودی یسوع نوں ستاون لگے کیوں بے اوہ جیسے کم سبت دے دن کرداسی۔
- 17- پر یسوع نے اوہناں نوں آکھیا پئی میرا پیو ہن تیکر کم کردا اے تے میں وی کرداواں۔

## 5- یوحنا 14 باب 8 توں 13 آیتاں

- 8- فلپس نے اوہنوں آکھیا اے خداوند! باپ نوں ساہنوں وکھا۔ ایہہ ای بوہت اے۔
- 9- یسوع نے اوہنوں آکھیا اے فلپس! میں ایسے چرتوں تہاڈے نال آں کہ تُو مینوں نہیں جان دا؟ جسے مینوں ویکھیا اے اوہنے باپ نوں ویکھیا اے۔ تو کیوں آکھدا ایس پئی باپ نوں ساہنوں وکھا؟
- 10- کہ تینوں یقین نہیں پئی میں باپ وچ آں تے باپ میرے وچ اے؟ ایہہ گلاں جیہڑیاں میں تہانوں آکھداواں اپنے ولوں نہیں آکھدا پر باپ میرے وچ رہ کے کم کردا اے۔

- 11- میرا یقین کرو پئی میں باپ وچ آں تے باپ میرے وچ۔ نہیں تے میرے کماں دے پاروں ای میرا یقین کرو۔
- 12- میں تہانوں سچ آکھداں پئی جیہڑا میرے اُتے ایمان رکھدا اے ایہہ کم جیہڑے میں کرداں اوہ وی کرے گا بلکہ ایہناں توں وی وڈھے کم کرے گا کیوں جے میں باپ دے کول جاناواں۔
- 13- تے جو کجھ تسی میرے ناں توچا ہوو گے میں اوہ ای کراں گا تاں جو پیو پتر وچ جلال پاوے۔

## 6- رومیوں 8 باب 1، 2، 11 (جے) توں 17 (توں دو جی،) 28، 31، 35، 37 توں 39 آیتاں

- 1- ایس لئی ہن جیہڑے مسیح یسوع وچ نیں اوہناں اُتے سزا دا حکم نہیں۔
- 2- کیوں جے حیاتی دے روح دی شریعت نے مسیح یسوع وچ مینوں پاپ تے موت دی شریعت توں آزاد کردتا۔
- 11- جے اوہدا ای روح تہاڈے وچ وسیا ہو یا اے جنہے یسوع نوں مردیاں وچوں جو ایاتے جنہے مسیح یسوع نوں مردیاں وچوں جو ایاتہ تہاڈے فانی بدناں نوں وی اپنے اوس روح دے راہیں جیوند کرے گا جیہڑا تہاڈے وچ وسیا ہو یا اے۔
- 12- ایس لئی اے بھراو! اسی قرضدار تے ہیں واں پر بدن دے نہیں پئی بدن دے مطابق حیاتی گزارے۔
- 13- کیوں جے تسی بدن دے مطابق حیاتی گزارو گے تے ضرور مرو گے تے جے روح نال بدن دے کماں نوں نیست تے تباہ کرو گے تے جیوندے رہو گے۔
- 14- ایس لئی پئی جنہے رب دی روح دی ہدایت نال اُتے نہیں اوہ ای رب دے پتر نیں۔
- 15- کیوں جے تہانوں غلامی دی روح نہیں ملی جیدے نال فیڈر پیدا ہووے بلکہ لے پالک ہووون دی روح ملی اے جیدے نال اسی ابالعی اے باپ آکھ کے پکار دے آں۔
- 16- روح آپ ساڈی روح نال مل کے گواہی دیندا اے پئی اسی رب دے پتر آں۔

- 17- تے جے پتر آں تے وارث وی آں یعنی رب دے وارث تے مسیح دے ہم میراث۔
- 28- تے ساہنوں پتاے پئی ساریاں شیواں رل کے رب دے نال پیار کرن والیاں لئی بھلیائی پیدا کر دیاں نیں یعنی اوہناں لئی جیہڑے رب دے ارادے دے مطابق بلائے گئے نیں۔
- 31- ایس لئی اسی ایہناں گلاں دے بارے کئیہ آکھئے جے رب ساڈے ول اے تے کون ساڈا مخالف اے؟
- 35- کون ساہنوں مسیح دی محبت توں وکھ کرے گا؟ مصیبت یا تنگی یا ظلم یا کال یا ننگا پن یا خطرہ یا تلوار؟
- 37- پر ایہناں ساریاں حالتاں وچ اوہدے راہیں جنہے ساڈے نال محبت کیتی ساہنوں فتح توں وی ودھ کے غلبہ حاصل ہندا اے۔
- 38- کیوں جے مینوں یقین اے پئی رب دی محبت جیہڑی ساڈے خداوند یسوع مسیح وچ اے اوہدے توں نہ ساہنوں موت وکھ کر سکے گی نہ حیاتی۔
- 39- نہ فرشتے نہ حکومتاں۔ نہ حال دیاں نہ آؤن والیاں شیواں۔ نہ قدرت نہ اُچھائی نہ پستی نہ کوئی ہور مخلوق۔

## سائنس تے صحت

1- 21:515 (انسان)۔ 24

انسان سارے خیالاں یعنی رب دے پتر اں تے دھیاں دا خاندانی ناں اے۔ اوہ سب کجھ جو رب دیندا اے سچائی تے طاقت دی عکاسی کر دیاں ہوئے اوہدے نال ٹردا اے۔

## 2- 24-23:470

انسان رب دی ہستی دا اظہار اے۔

## 3- 13-6:475 (انسان)

انسان مادہ نہیں اے، اوہ دماغ، خون، ہڈیاں تے دو جے مادی عنصر انا نال نہیں بنایا گیا۔ پاک کلام ساہنوں ایہہ گل دس دا اے پئی انسان رب دی شبیہ تے صورت اُتے بنایا گیا اے۔ ایہہ مادے دی شبیہ نہیں اے۔ روح دی شبیہ ایہہ نہیں غیر روحانی نہیں ہو سکدی۔ انسان روحانی تے کامل اے؛ تے کیوں جے اوہ روحانی تے کامل اے ایس لئی اوہنوں کر سچن سائنس وچ اپنچ ای سمجھیا جانا چاہیدا اے۔

## 4- 23-19:8-4:516

مواد، حیاتی، ذہانت، سچیائی تے پیار جیہڑے رب نوں بناؤندے نیں، اوہدیاں بنائیاں ہوئیاں شیواں توں منعکس ہندے نیں؛ تے جدوں اسی بدنی حساں دی جھوٹی گواہی نوں سائنسی حقیقتاں دے میٹھاں کر دیندے آں، تے اسی ایس اصلی مشابہت تے پرچھانویں نوں ہر پاسے دیکھاں گے۔

انسان، اوہدی شبیہ اُتے بنائے جان نال پوری دھرتی اُتے رب دی حاکمیت دا پرچھانواں بن داتے ملکیت رکھدا اے۔ بندہ تے بڑھی ہمیشہ لئی رب دے نال ابدی تے ہم عصر، جلالی خوبی وچ لامحدود مادہ پدربدی عکاسی کردے نیں۔

5- 23:301

کجھ لوکاں نے غور کیتا اے پئی لفظ فکر کرن توں کر سچن سائنس دی کیہ مراد اے۔ اپنے آپ دے بارے، مادی تے فانی انسان اپنے آپ نوں مواد و کھالی دیندا اے، پر مواد دے ایس فہم وچ غلطی اے تے ایس لئی ایہہ مادی، عارضی اے۔

دو جے پاسے، لافانی، روحانی انسان اصلی ذات اے، تے ایہہ ابدی مواد یا روح دے بارے غور کردا اے، جیدی بشر آس رکھدے نیں۔ اوہ اوس الہی اُتے غور کردا اے، جیہڑا واحد اصلی تے ابدی الوہیت جاری رکھدا اے۔ ایہہ فکر فانی فہم لئی غیر واضح و کھالی دیندی اے، کیوں جے روحانی انسان دی اصلیت انسانی بصیرت نوں واضح کردی اے تے ایہہ بس الہی سائنس دے راہیں ظاہر کیتی جاندی اے۔

جیویں پئی رب اصل اے تے انسان الہی شکل و صورت اے، تے انسان نوں صرف چنگیائی دے اصل، روح دے اصل نہ پئی مادے دی خواہش رکھنی چاہیدی اے تے حقیقت وچ اٹیخ ای ہوئی اے۔ ایہہ عقیدہ روحانی نیں اے پئی انسان دے کول دو جامواد یا سیان اے، تے ایہہ پہلے حکم نوں توڑدا اے پئی توں اک رب، اک سیان نوں منیں۔

6- 2-25:303



اپنے آپ دی شکل و صورت توں بغیر رب عدم یا غیر ظاہری سیان ہندا۔ اوہ اپنے آپ دی فطرت دے ثبوت یا گواہی تو خالی ہندا۔ روحانی انسان رب دی شکل یا خیال اے، جیہہ خیال جیہڑا نہ گواچ سکدا تے نہ ای اپنے الہی اصول توں دکھ ہو سکدا اے۔ جدوں گواہی نے مادی حواس دے سامنے روحانی فہم نوں قبول کیتا تے رسول نے ایہہ بیان دتا پئی کوئی اوہنوں رب توں مٹھے فہم تے حیاتی تے سچائی دی حضوری توں دکھ نہیں کر سکدا۔

8-32:293 -7

بیچ جسمانی حساں انسانی غلطی دیاں راہواں تے آ لے نیں، تے ایہہ غلطی دے نال ای مطابقت رکھدیاں نیں۔ ایہہ حساں عام انسانی عقیدے ول اشارہ کردیاں نیں؛ پئی حیاتی، مواد تے ذہانت روح دے نال مادے دا اک اکٹھ اے۔ ایہہ مظاہر پرستی اے، تے اپنے اندر پوری غلطی دے بیچ سانبھے رکھدی اے۔

جے انسان سیان تے مادہ دونوں اے تے اک انگل دا نقصان انسان دا کجھ معیار تے مقدار کھونہ لووے گا، کیوں جے مادہ تے انسان اک ہو جان گے۔

8-1:136 -8

یسوع نے مسیح دی شفا دی روحانی بنیاد اُتے اپنا چرچ بنایا تے اپنے مشن نوں جاری رکھیا۔ اوہنے اپنے کچھے ٹرن والیاں نوں سکھایا پئی اوہد امدہب الہی اصول سی، جیہڑا خطا نوں باہر کڈھ داتے بیمار تے پاپی دونوں نوں شفا دیندا سی۔ اوہنے رب تے وکھرے کسے سیان، کم تے نہ ای کسے حیاتی داد عوی کیتا۔ ایس مصیبت دے باوجود جیہڑی ایہدے پاروں ای اوہدے اُتے آئی سی، اوہنے الہی طاقت نوں انسان نوں روحانی تے جسمانی دونوں طراں دی مکتی دین لئی ورتیا۔

## 9 - 23-3:202

سائنسی اتحاد جیٹھڑا رب تے انسان دے وچکار موجوداے اوہنوں عملی حیاتی وچ کشیدہ کرنا چاہیداے تے رب دی مرضی عالمگیر طور تے پوری کیتی جانی چاہیدی اے۔

جے انسان مادی فہم دے نام نہاد ڈکھاں تے خوشیاں والے ایمان دی بجائے ادھا ایمان ای سیان دی سائنس دی پڑھائی اُتے رکھن تے اوہ بد توں بد ترین ول نئیں جان گے، جدوں تیکر پئی قید و بند نال اوہناں دی تربیت نہ ہو جاوے؛ بلکہ پوری انسانی نسل مسیح دے معیاراں دے راہیں، سچائی دے طرز فکر تے قبولیت دے راہیں رہائی پاوے گی۔ ایس جلالی نتیجے لئی کر سچن سائنس روحانی ادراک دی مشعل بالدی اے۔

ایس سائنس دے بغیر سب کجھ بدلن دے قابل اے؛ پر لافانی انسان، اپنی ہستی دے الہی اصول، دے نال ہم آہنگی وچ، نہ پاپ کردا، ڈکھ سہندا اے تے نہ مردا اے۔ فیر ساڈی زیارت دے دن مکن دی بجائے ودھ جان گے جدوں رب دی بادشاہی دھرتی اُتے آؤندی اے؛ کیوں جے اصلی راہ موت دی بجائے حیاتی ول لے جاندی اے؛ تے دھرتی دا تجربہ غلطی دی محدودیت تے سچائی دیاں اوہناں محدود خصلتاں نوں ظاہر کردا اے جنہاں وچ رب انسان نوں ساری دھرتی اُتے اختیار دیندا اے۔

## 10 - 23-14:403

جے تسی ایہہ سمجھ جاؤ پئی ایہہ فانی وجود آپ اک فریب اے تے اوہ سچائیں اے تے تسی صورت حال اُتے قابو پا لیندے او۔ فانی سیان لگاتار فانی جسم دیاں غلط صلاحواں دے نتیجیاں نوں جنم دیندی اے؛ تے اوہدوں تیکر جاری رہندا اے جدوں تیکر سچائی فانی غلطی نوں ایہدیاں فرضی طاقتاں توں بر طرف نہیں کر دیندا، جیہڑا فانی فریب دے ہو لے جیسے جالے نوں صاف کر دیندا اے۔ بوہت سارے مسیحاں دی حالت چنگیائی تے روحانی سیان والی ہندی اے، تے ایہہ بیماراں دی شفا دبوہت ودھیا تصرف اے۔

11- 13:171-4

ہادیت دے روحانی مخالف دے فہم دے راہیں، ایہتھے تیکر پئی مسیح، سچائی دے راہیں، انسان اوس جنت دے بوہے الہی سائنس دی کنجی نال دوبارہ کھولے گا جنہوں انسانی عقیدیاں نے بند کر دتا اے، تے اوہ اپنے آپ نوں بے گناہ، نیک، پاک، تے آزاد اپائے گا، اپنی حیاتی یا موسم دے امکاناں لئی جنتری توں صلاح لین دی لوڑ نوں نہ محسوس کر دیاں ہوئے، ایہہ جانن لئی پئی اوہدے وچ کنسی کہ انسانیت اے دماغی علماں دی پڑھائی کرن دی لوڑ نوں نہ محسوس کر دیاں ہوئے۔

انسان نوں شامل کر کے سنسار اُتے سیان دی حکمرانی اک کھلا سوال نہیں رہیا بلکہ ایہہ منی جان والی سائنس اے۔

12- 19-13:200

زبور دے لکھاری نے آکھیا: ”تو اوہنوں اپنے ہتھ دیاں بنیاں شیواں اُتے اختیار دتا اے۔ تو سب کجھ اوہدے پیراں میٹھاں کر دتا اے۔“

ہستی دی سائنس وچ ایہہ وڈھی اصلیت پئی اصلی انسان کامل سی، ہے تے ہمیشہ رہو وے گا، ناقابل تردید گل اے؛ کیوں جے انسان رب دی شبیہ، صورت اے تے اوہ نہ اچا اے نہ نیواں بلکہ اوہ سدھاتے رب ورگا اے۔

## روزانہ دے فرض

میری بیکریڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

### مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانوواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔